

Ae Mejele

Elañe ejelok wūnin jilkinlok eok jen kapijuknen eo am, kōkkure, ak jab tōprak an iwaj am jikin jokwe, enij jipañ elañe kwonij loore laajrak in ilal mōkta jen am kūrlok Kaunje! in Jikin Jokwe ilo Oregon (Fair Housing Council of Oregon, FHCO):

- Kakwon rekoot in aolep pepa, lōtā, receipt, koṅ, rekoot in ainikien im kōjjeḷā ko;
- Bōk pija in būrooblem eo elañe ekkar;
- Bōk āt im nōmba an armej ro rej pād ilo jekjek eo;
- Kwalok tipdikin mejele kake jiriḷok eo āinwot raan, jikin, awa, im jabdewōt rikamool ro.

Bael juon Ripoot

Ripoot kalikjeklok ikkijen jikin jokwe 24/7 ilo aunḷain portal eo ad: www.fhco.org/report-housing-discrimination

Awa in talboon ko ewōr joñaer: Kūrlok (800) 424 – 3247 ak (503) 223 – 8197 ñan kōṅōṅō ippān juon uwaan kumi in jermal eo kake keij eo am.

Jāāk webjait eo ad ñan talboon awa ko ewōr rijerbal. Emaroñ wōr riukok elañe enij wōr kōjjeḷā mōkta lak.



Wōn Kōj

Kaunje! in Jikin Jokwe ilo Oregon (FHCO) ej juon doulul in jipel jimwe ilo peḷaakin state eo ej beddo kwalok kake jimwe ikkijen kapijuknen, aōrok, im ippān doon. Kōttōpar eo ad ej ñan kajemlok kalikjeklok ikkijen jikin jokwe im kwalok an juon wōt maroñ ñan kelet in jikin jokwe ilo jelālokjen im kōjerbale kakien ikkijen jikin jokwe.



Tōpar Kōj

Talboon: (503) 223-8197, ak (800) 424-3247

Email: information@fhco.org

Web: www.fhco.org

Ukok ilo kōṅōṅō im ilo jeje remaroñ kōmman ñe ewōr kajjitōk.

Fair Housing Council of Oregon
1221 SW Yamhill St, Suite 305
Portland, OR 97205

Ewōr am Jimwe in Kōṅōṅō Kake Kalikjeklok

Bael juon abṅōṅō ippān Fair Housing Council of Oregon rainin.



Kalikjeklok ej waļok aolep raan.

Kwomaroñ kar eñjake kalikjeklok ikkijen jikin jokwe elañe:

- Ejjab maroñ iwaj iien ñan reen, wia, ak kōmman bebe ikkijen jikin jokwe.
- Rej ba ñan eok ke ejelok jikin jokwe, jokdoon ewōr.
- Kajjitōk eo am kake oktak ilo kien in jikin jokwe ejjab tōprak, jokdoon oktak eo ej aikuj jen wōt utaṃwe ak nañinmej eo am.
- Ejjab maroñ iwaj juon jikin am reen kinke ewōr am rekoot in kalbuuj.
- Landlord eo am ejellā ke kwoj juon eo ear ion jorrān im jilkinlok eok.
- Ejjab maroñ tōprak juon am jikin reen kinke jikin eo ilo ID eo am ej kwalok ñe kwe eṃaan ak kōrā oktak jen eo ilo aplikijen eo am.
- Kwoj jenolok, jab tōprak an iwaj jermal ko ro jōt rej bōk, ak oktak lale eok.
- Rej ba ñan eok ke kwojjab maroñ reen juon apaatment kinke rejjab bōk jipañ ko jen kien āinwot Jipañ ilo Jidik Iien ñan Baamle ko Rej Aikuj (Temporary Assistance for Needy Families, TANF), Jekjen 8 (Jikin Jokwe Voucher ko), ak jipañ ikkijen reen jen opij ko rej bōk eddoin jermal ko ilo jukjukin pād.



Kwar ke jellā
1 wōt ilo 10
makūtkūt in
kalikjeklok
ikkijen jikin
jokwe ej ripoot?

Kakien in Jikin Jokwe ej lewaj ñan eok jimwe ñan bael juon abṇōṇō.

Ilo Oregon, ej mo ñan landlord ro, mānija in jikin, doulul ko an wona in eṃ, real estate agent, mortgage broker, lender, injuron kōmbani, im ro jōt ñan kōmman jermal in kalikjeklok nae jabdewōt pedped ion:

- Bwij
- Kōlar
- Ia eo Juon Eaar
- Lōtak Ie
- Kabuñ
- Ñe Eṃaan ak Kōrā
- Jekjek in Baamle
- Utaṃwe
- Waween an Juon
- Kwalok e Māke
- Kain Armej ro
- Juon ej Pād Ippān
- Ia eo Jān ko an
- Ej Tōprak Ie
- Jekjek in Pālele
- Jekjek in Pejpetōk

*Jōt kiaptōl im bukwōn eloñ
elaplok aer kilaaj ko rej kōjbarok.*